

Ո Ր Ո Շ ՈՒ Մ N 592/1
/վարչական տույժ նշանակելու մասին/

«16» մարտի 2023թ.

ք. Երևան

Հայաստանի Հանրապետության ՊԵԿ Երևանի մաքսային սպասարկման կենտրոն-մաքսատուն, վարչության պետի տեղակալ Ադասի Աղայանս, քննելով «ԱՄ Թրեյդինգ» ՓԲ ընկերության (ՀՎՀՀ՝ 02658292, հասցեն՝ ՀՀ, ք. Երևան, Աջափնյակ, Աբելյան փող., 6/4 շ., 102 սենյակ) տնօրեն Կարո Բաղդասարի Կարապետյանի (անձնագիր՝ 008822355, հասցե՝ ՀՀ, ք. Երևան, Այգեձորի փող. 47) նկատմամբ հարուցված վարչական իրավախախտումների վերաբերյալ գործը,

Պ Ա Ր Զ Ե Ց Ի

«ԱՄ Թրեյդինգ» ՓԲ ընկերության կողմից թիվ 05100010/110123/0001922 ապրանքների հայտարարագրով ձևակերպվել են ապրանքներ, որոնք «Ներքին սպառման համար բացթողում» մաքսային ընթացակարգով բաց են թողնվել 12.01.2023 թվականին: Նշված ապրանքների համար առաջադրված մաքսային վճարների վճարումը կատարվել է սահմանված ժամկետից ուշ՝ 27.02.2023 թվականին:

ՀՀ ՊԵԿ Երևանի մաքսային սպասարկման կենտրոն-մաքսատուն, վարչության ՓՀ և ԳՀ բաժնի գլխավոր մաքսային տեսուչի կողմից 01.03.2023 թվականին «ԱՄ Թրեյդինգ» ՓԲ ընկերության տնօրեն Կարո Բաղդասարի Կարապետյանի նկատմամբ կազմվել է վարչական իրավախախտումների վերաբերյալ արձանագրություն՝ «Մաքսային կարգավորման մասին» ՀՀ օրենքի 318-րդ հոդվածի հատկանիշներով:

Վարչական իրավախախտումների վերաբերյալ գործի քննությունը նշանակվել է 16.03.2023 թվականին, ժամը՝ 09:30-ին, որի անցկացման վայրի և ժամանակի մասին ծանուցումը առաքվել է Կարո Բաղդասարի Կարապետյանին, վերջինս, սակայն չի ներկայացել գործի քննությանը:

Վարչական իրավախախտումների վերաբերյալ ՀՀ օրենսգրքի 22-րդ հոդվածի համաձայն՝ վարչական տույժը համարվում է պատասխանատվության միջոց և կիրառվում է, նպատակ ունենալով վարչական իրավախախտում կատարած անձին դաստիարակել (...), ինչպես նաև կանխել ինչպես իր իսկ՝ իրավախախտողի, այնպես էլ ուրիշ անձանց կողմից նոր իրավախախտումների կատարումը:

«Մաքսային կարգավորման մասին» ՀՀ օրենքի 318-րդ հոդվածի համաձայն՝ ներմուծման մաքսատուրքերը, հարկերը, մաքսային վճարները, մաքսային մարմինների կողմից գանձվող այլ հարկերը, տուրքերը և վճարները սահմանված ժամկետներում չվճարելը՝ առաջացնում է տուգանք՝ **տասը հազար** դրամի չափով:

Այսպիսով, վարույթի նյութերով հիմնավորվում է, որ «ԱՄ Թրեյդինգ» ՍՊ ընկերության կողմից ՀՀ ներմուծված բեռը հայտարարագրվել է թիվ 05100010/110123/0001922 ապրանքների հայտարարագրով, որով առաջադրված մաքսային վճարների վճարումը սահմանված ժամկետում չեն կատարվել, ինչով պայմանավորված՝ ընկերության տնօրենի կողմից թույլ է տրվել ՀՀ մաքսային կարգավորման մասին օրենքի 318-րդ հոդվածով նախատեսված իրավախախտում:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 214-րդ և «Մաքսային կարգավորման մասին» ՀՀ օրենքի 318-րդ հոդվածներով՝

Ո Ր Ո Շ Ե Ց Ի

1. «Մաքսային կարգավորման մասին» ՀՀ օրենքի 318-րդ հոդվածով նախատեսված վարչական իրավախախտում կատարելու համար «ԱՄ Թրեյդինգ» ՓԲ ընկերության տնօրեն Կարո Բաղդասարի Կարապետյանին ենթարկել վարչական պատասխանատվության՝ տուգանելով **10,000 ՀՀ դրամի** չափով:
2. Որոշման մասին օրենքով սահմանված կարգով իրազեկել «ԱՄ Թրեյդինգ» ՓԲ ընկերության տնօրեն Կարո Բաղդասարի Կարապետյանին:

Սույն որոշումն ուժի մեջ է մտնում դրա ընդունման մասին իրազեկելուն հաջորդող օրը և «Վարչարարության հիմունքների և վարչական վարույթի մասին» ՀՀ օրենքի 10-րդ գլխի նորմերին համապատասխան կարող է երկամսյա ժամկետում բողոքարկվել վերադասության կարգով կամ ՀՀ վարչական դատավարության օրենսգրքով սահմանված կարգով՝ վարչական դատարան:

Սույն որոշումը կամավոր չկատարվելու դեպքում այն կկատարվի «Դատական ակտերի հարկադիր կատարման ծառայության» միջոցով՝ պարտապանի հաշվին:

Սույն որոշմամբ նշանակված տուգանքի վճարման հաշվեհամարն է **900005024055-ը** (ՀՀ **պետական բյուջե, կենտրոնական գանձապետարան, Երևանի մաքսային սպասարկման կենտրոն-մաքսավորն, վարչություն, ԿՈԴ 27)**)

ԵՐԵՎԱՆԻ ՄԱՔՍԱՅԻՆ ՍՊԱՍԱՐԿՄԱՆ
ԿԵՆՏՐՈՆ-ՄԱՔՍԱՏՈՒՆ, ՎԱՐՉՈՒԹՅԱՆ
ՊԵՏԻ ՏԵՂԱԿԱԼ



ԱՂԱՍԻ ԱՂԱՅԱՆ